

Ĕkwo-ozì, Pòlu Deru Nù Tayitōsu

¹ Ĕkwo-ozì ọwà-a shì l'ẹ̀kà m̀bẹ̀ Pòlu, b̀y onye ejeru Chileke ozi bya ab̀ru onye-ishi-ozì Jizòsu Kéreshì. Chileke h̀taru mu bya ezia mu g̀g̀ mu bya emee g̀g̀ ndu Chileke h̀taru kabaa ya anòshì ike l'ẹ̀kà; mu emekwaaphò g'ẹ̀phe maru iphe, b̀y ọkpobe-opfu k̀ Chileke; g'ẹ̀phe atsujẹ iya ebvu l̀ ndz̀-à, anyì nò-à; ² noo l'anyì ele ẹǹyà ndz̀ ojejoje. Ndz̀ ojejoje onò b̀ Chileke, onye ta adz̀jedu ̀kà pfuhawarurò t̀me mgboko d̀; s̀ l̀ yà a-ǹ anyì. ³ O be teke ọ g̀baru; Chileke, b̀ Onye-Ndz̀t̀ anyì mee g'e shì l'ozì-ọmà iya maru ndz̀ onò, o kweru ukwe iya onò. Ozi-ọmà iya onò b̀ o woru ye mu l'ẹ̀kà s̀ g̀ mu t̀washiaru iya ndiphe g'ò doo ph̀ ẹǹyà.

⁴ Mu nòdu ede ẹ̀kwo-à aǹ ngu Tayitōsu. I b̀y ọkpobe nwa mu; opfu l̀ mu l̀ ngu kwetar̀ iphe laǹ!

G̀ Chileke, b̀ Nna; waa Kéreshì, b̀ Jizòsu bya ab̀ru Onye-Ndz̀t̀ anyì meeru ngu eze-iphè-ọmà; mee g'ẹ̀hu d̀ ngu guu.

Ozi Tayitōsu l̀ Kiritu

⁵ Iphe, mu gude haa ngu l̀ Kiritu b̀kwa g'ì dozia iphe, phòduru ǹ; waa g'ì h̀ta ndu a-b̀ru ọgerenya Chìochì l̀ mkp̀kp̀ l̀ mkp̀kp̀ g̀ mu pfuhawaru ngu onò. ⁶ G'onye ọgerenya Chìochì b̀kwaru onye a ta mad̀ru ẹ̀jò ẹ̀kà; onye al̀ nwanyì laǹ; onye ̀nwegirima iya

wowaru onwophe ye Kéreshi l'eka; ophu ephe adudu gaphugaphugaphu; teme ophu ephe akpadu opfu. ⁷ L'onye-ishi Chiochi bufutajekwa onye uta adudu le ndzu iya; eshinu o bu onye-ishi, eleta ozi Chileke enya. Onye abudu opfu-nkiya-anu-nkiya; ophu o budu onye obuoku; ophu o budu onye anguje mee g'o tsu iya atsutsu; onye te emedu ehuka; ophu onodujedu achọ urwu l'uzo, adudu ree. ⁸ Oo g'o bu-chiaru onye bu o-kwa-ebya; onye maru l'iphe, du ree be du ree; onye nweru egomunggo; onye pfuberekoto; bya adu nsọ; bya aburu onye esede onwiya. ⁹ Onye ono bufutaje onye noshiru ike l'opfu ono, a maru l'o gbaru k'egude eka ono g'e ziru iya ya; g'oo-du ike gude ezi okpobe iphe ono, oozu ono dushia ndu ozo obu ike; teme oogoshi ndu jikaru iphe, oozu eka o jeberu; uzo kpọ-swehu phe.

¹⁰ Kele o duru ndu du igwerigwe, bu okarieka; ndu epfu mkpokoro opfu gude aghota ndu ozo l'ugho; kekekele ke ndu k'ono, e buje ubvu ono. ¹¹ G'a kpọ-bujeru opfu ye egube ndu ono l'onu; kele ephe egudeje ezi iphe, ephe tege zidu gbaghashia unuphu l'ophu g'eeshi g'ephe erita urwu, apfuduru oto. ¹² L'onye lanu le ndu Kiritu, bu onye ephe suru l'o bu onye agbaje eja sukwaru: "Ndu Kiritu shi le mbu buru atukporoko; ephe bu ejo anu-egbudu; ndu enyiru, iphe ka utso l'onu." ¹³ Iphe nwoke ono pfuru buru okpobe-opfu; oo ya bu; bashijekwaru phe mba ike; g'ekweta phe aburu okpobe iya. ¹⁴ G'ephe ta angahe nchi l'ako-iphè ndu Jiu; ozo ekemu, ndu jikaru okpobe-opfu turu l'onwophe.

15 Ndu obu gūru ìphóró bẹ iphemiphe gūru ìphóró. Obenu lẹ ndu merwushiru onwophe emerwushi; mbu ndu te ekwedu kẹ Kéreshi; ta adudu iphe, 'abudu phe nsọ nsọ. Oriri phe rwuhuru arwuhu; ophu ejo-iphe awajehedu phe obu mini. ¹⁶ Ephe anoduje epfu l'onu l'ephe maru Chileke; ole ephe egudeje umere phe egoshi l'ephe ta amadu iya. Ephe du ashị bya aburu ndu ta nudu iphe lẹ nchị; bya buru ogalemkpa, adudu iphe, du ree, ephe dakafuru ememe.

2

Okpobe-opfu, eezi ezizi

¹ Obenu gubedua l'onwongu; g'iphe, iizi yele okpobe-opfu, eezi ezizi dagbakwa. ² Zia unwoke ndu bu ogerenya g'iphe, ephe eme doje phe enya; g'ephe meje umere, egoshi l'o gbaru g'e yejeru phe ubvu; g'ephe sedeje onwophe; g'ekweta, ephe kwetaru kẹ Kéreshi; me eye obu phe; me atanshi phe buru okpobe iya. ³ G'i karu unwanyi ogerenya kwapho g'ephe meje umere, egoshi lẹ Chileke duru phe lẹ nsọ; g'ephe ta abukwaru ndu asulasu; ophu ephe angunukajeshi mee; o chia g'ephe zije iphe, du ree. ⁴ Oo ya bu; g'ephe eshi egube ono zua unwanyi ophu bukwadu nwepa g'iphe, ephe eme doje phe enya; ephe eyeje ji phe waa unwegirima phe obu. ⁵ Ephe enweru egomunggo; dobe onwophe oru; kwakobeje ulo phe; buru ndu obu oma; buru ndu anuru ji phe opfu; g'e te egude iswi ehu phe pfubyishiahaa opfu kẹ Chileke epfubyishi.

⁶ Nokwapho g'ii-pfuru unwokorobya g'ephe sedeje onwophe. ⁷ G'ò dūhabe; gūbedua l'onwongu l'a-buru onye e-letaje ɛnya eme umere oma; l'iizije iphe, doru rīśaa; gbanwuje ɛhu gude ire-lanu zije iya okpobe ezizi. ⁸ Pfuje opfu, nweru ishi; mbu opfu, aata avodu ɛchi; g'ii-gude ɛgube ono mee ndu epfuru ngu nu iphe-iphere; eshinu ɛphe taa maɛduru ɛjo-iphe, ɛphe e-gude epfuru anyi.

⁹ Pfuju ndu bu ohu g'ephe nuju ndu gbaru phe nu opfu; g'iphemiphe, ɛphe eme jije ndu gbaru phe nu ɛpho; g'ephe ta awojeshi phe opfu; ¹⁰ ophu ɛphe ezikwa iphuru. Oo g'ephe goshije l'ephe bu ndu gbaru ke g'e gude ire phe ɛka okpobe egude l'iphemiphe. Oo ya bu; g'ephe egudekota umere phe g'ò ha kutsee iphe, eezi ezizi ke Chileke, bu iya bu Onye-Ndzota anyi ono.

¹¹ Noo le Chileke goshiwaru eze-iphe-oma iya, o gude adzo onyemonye. ¹² Eze-iphe-oma ophu ezi anyi g'anyi e-shi haa anodu ndzu, ubvu Chileke adudu; me g'anyi e-shi haa ɛgu ɛjo-iphe ke mgboko-a; buru ndu esedeje onwanyi; ndu pfuberekoto; waa ndu eyejeru Chileke ubvu le mgboko-a. ¹³ Anyi noakwa kwaberu mboku ɛhu-utso ono, bu iphe, anyi ele ɛnya iya ono. Oo mboku ono e-goshi odu-biribiri ke Okalibe Chileke ono, bu Onye-Ndzota anyi, bu iya bu Jizosu Kereshi. ¹⁴ Onye woru onwiya nu l'iswi ɛhu anyi g'oo-shi ɛgube ono gbata anyi l'ɛka iphe-eji; waa g'ò saa obu anyi g'anyi buru nkiya; mee anyi ndibe iya; ndu eme oma anoduje ehe ihee.

¹⁵ Sū-a; tūko iphe ono pfushije; gude iya kasaa nemadzū nchi; gudekwa iya pho goshije nemadzū ẹka o mesweru; gude iya duphuta iya azū. G'ọ tọ dukwa onye a-sū l'ọ tọ dudu iphe, i bu.

3

Umere, gbaru ndu ke Kéreshi

¹ Nyatajeru ndiphe g'ẹphe nọduje ndu-ishi waa ndu-mbekee l'ẹka; meje iphe, ẹphe sūru g'e meje; g'ẹphe buru ndu doziru onwophe k'eje iphe, bukpo ozi, geru asa. ² G'ọ tọ dukwa onye ẹphe e-pfujeru ẹjo opfu; g'ẹphe ta aswojekwa uswo; g'ẹphe buchiaru ndu du àgù; ẹphe emejeru onyemonye odoo. ³ L'anyibedua l'onwanyi dukwaru teke anyi shi buru ndu eswe; buru ndu ta adudu onye ẹphe anuru opfu; ndu e dusweru uzo ke Kéreshi; ndu shi buru ohu ẹgu ẹjo-iphe, anọduje agugbaa nemadzū me ohu ẹkpiri iphe, dugbaa iche iche. Iphe, anyi shi eshibeje ite iya mbọku-mbọku buerupho ẹjo oriri waa ẹnya-pfurupfuru; anyibe ndu shi du ndu ozo ashị; teme nemadzū ibe anyi dukwapho anyi ashị. ⁴ O be teke Chileke, bu Onye-Ndzota anyi goshiru anyi obu omaa ya waa g'o yeberu anyi obu; ⁵ ọ dzota anyi; ophu o bukwa ke l'ọ iphe, anyi gude eme oma meta; obenu l'ọ buepho obu-imemini, o phuru anyi be o gude dzota anyi. Adzota ono shi l'asasa, o saru obu anyi ge Unme-du-Nso mee anyi g'anyi buru ndu a nwuphuru azu; mekwaapho ndzu anyi g'ọ buru ndzu ophuu. ⁶ Chileke kwatakporu shi l'ẹka

Jizōsu, bụ Onye-Ndzōta anyi; nū anyi Unme-dụ-Nsọ ono mebyikpoo anūnu; ⁷ g'anyi bụru ndu o gude eze-iphe-oma iya gūa lẹ ndu pfuberekoto l'iphu iya; waa ndu e-keta ndzū ojejoje, bụ iphe, anyi ele ẹnya iya. ⁸ Opfu-a bụ opfu, pfuru ọto.

Iphe, mu eme gẹ mu karū ngu bụ g'i pfua ya pfushia ya ike gẹ ndu kwewaru l'ọo Chileke bụ Nnajiuphu phẹ eletajẹ ẹnya yeru ẹhu l'eme iphe, dū ree. Iphe-a bụkota iphe, geru asa ọkpobe egege bya aburu iphe, a-kwọ nemadzu. ⁹ Ole-a; zehuru ntumego, enwedu ishi; zehuru atū ẹgo ndzefu ndzefu ẹpha, shi lẹ ndiche; mẹ aswọ uswo; mękpoo aba mba k'iphe shi l'ekemu. Atū ẹgube ẹgo ono bụkota iphe, adudu iphe, ọ bụ; teme ọphu urwu adudu iya. ¹⁰ Gẹ gū l'onye ebukatajẹ ọgbo lẹ Chiochi ta adukwa iphe, unu e-megbajekwadu mẹ i -nmawaru iya ọkwa iya ugbo lanu; ọzoo ugbo ẹbo; ọphu o kwedu. ¹¹ Makwarū l'ẹgube onye ono bẹ ọriri iya gbajoshihuwaru agbajoshihu; ọ nọdu emewaa iphe-ẹji bya amaru nno l'ime obu iya.

Iphe, Tayitōsu e-meje

¹² Mu -ziępho Atemasu; ọzoo Tikikōsu; ọ bya ibe ngu; kukebekwa ẹhu byapfuta mu lẹ Nīkopolisu ẹgwegwa; kele ọo l'ẹka ono bẹ mu turu ọnu anọdu l'udzumini-a, aabya abahu-a. ¹³ Dufu Zinasu ọphu bụ onye lọya; waa Apolosu g'ẹphe tugbua ije phẹ. Nukwa phẹ iphe-ije g'ọ tọ dū iphe, a-duru phẹ uko. ¹⁴ Mee g'unwunna anyi nwua g'ẹphe e-shije gude akanya iphe, dū ree, ẹphe ese dzoje ndu ọzo lẹ mkpa, kparū phẹ

nụ. Ẹphe 'emedu ẹgube ono g'ẹphe makwaru l'akanya phe ta adudu iphe, ọ bu.

¹⁵ Iphe, bu ndu mu l'ẹphe ọ l'ẹka-a l'ekele ngu. Kelecha ndu yeru anyi obu; ndu anyi l'ẹphe tukuru kweta ke Nnajiuphu. Ge Chileke meeru unu eze-iphe-oma g'unu ha. Nokwa g'ọ du.

Bayiburu Izii
Izii: Bayiburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

c6885c7c-c550-5b8b-a4fe-4bd714af4f6d